



## « MARCHE DE SAVOYE » DI M. DE LULLY



Vint agn anans la bataja 'd Turin ël giovo Vitòrio Amedé a s'arvolgia a Versailles, pancor inimìa, për confideje a 'n musicista arnomà la composission ëd na batterie con soa marcia (da bate an sij tamborn e da soné con j'oboé) ch'a valièissa da sigla për ij sò regiment d'ordinansa.

Cost'incombensa a sarà peui assolvù da Giovanni Battista Lully, fiorentin franseisisà a la Cort ëd Luis XIV co'l nòm ëd Jean-Baptiste de Lully, che antlora a l'era al mässig dla cariera. Lully a l'avìa componù dun-a le quatr batùe dla batèria e peui, na vòta che coste a j'ero stàite agradie da Turin, le sinch arie 'd compagnament dj'oboé. Parèj l'invension d'un cortisan dël Rè Sol a l'é vnùita esse la marca sonora dla part pì gorègna dl'armèja 'd Soa Autèssa, costituì dai regiment Vardie, Savòja e Piemont, visadì 'l signal ëd cola ch'a sè s-ciamava La Generala. Costa a rolava a minca vent ëd guèra, a nunsiaava la mobilitassion general an cola stagion che, da la dèrota dè Stafarda (1690) a le vitòrie 'd Turin (1706) e dl'Assieta (1747) a l'avria portà a l'emancipassion ëd Piemont-Savòja da la Fransa.

Bin che l'ideja 'd nassion a sia ancheuj diferenta rëspet al sentiment d'apartenensa a na Comunità dan-torn al 1685, época 'd composission ëd l'Imn, costa a l'é la mùsica la pì antica 'd nòsta tradission che, a nòstr avis, a l'é evocatriss, an tan che arcòrd èstòrich e d'afession, d'un sentiment nassional piemontèis-savojengh ch'a l'era già nòstr antlora e che noi i sentoma nòstr ancheuj.

Për sòn Gioventura Piemontèisa a la andòta an tan che propòsta për l'Imn Nassional piemontèis, e parèj a la arconòss, anvidand ij Piemontèis a prové a arconòss-se e peui a arconòssla.

A l'é già provedusse, an sla base djë spartì dl'epoca, a fé esegù le trascrission e j'arangiament për j'escussion ant le vaire formassion musicaj.

La propòsta d'andoté la Marche de Savoye coma imn ëd la Region Piemont a l'é stàita presentà a j'auto-rità regionaj.

### TRICOLORE

*Direttore Responsabile: Dr. Riccardo Poli - Redazione: v. Stezzano n. 7/a - 24052 Azzano S.P. (BG)*

E-mail: [tricoloreasscult@tiscali.it](mailto:tricoloreasscult@tiscali.it)

[www.tricolore-italia.com](http://www.tricolore-italia.com)